

السلامة

مدیری: حطیم ثابت

۱: ربيع الأول ۱۳۳۲

۳: كانون الثاني ۱۳۲۹

مافی ۱

یل ۱

اسلام مجبوری

اون یس کوئده بر جیقار

مسلانلر ائقاندننه چالیشیر

قرآن کریم

فاتحه شریفه

فاتحه شریفه نیک نهمده سی

بسم الله الرحمن الرحيم

عالمک زبی اولان الله حمد اولسون . دنیاده ، آخرتده بزه آجیر ، مرحمت
ایدر . آخرت کوننده یالکز او قاریشیر . تا کریم ، آنجاق سکا عبادت ایدوز ؛
و آنجاق سندن یاردم دیلرز . کندیلرینه ایلیک ایتدیگک ، خشمگه اوغرا مانایان
طوغریلقدن آریلایان قوللریگک کتدیگی طوغرو بولی بزه کوستر ، ربم .

خ . نه

اسلامک نجائی

اسلام وترقی

۱

ادیان موجوده ایچنده دین اسلام قدر اخلاقی ، اجتماعی ، اداری ،
سیاسی اساسله استناد ایتش بر دین دها موجود اولدینی ، بودینک احکام
اصلیه و فرعیته واقف طرفداران حقیقت اولان ذواتک معلوملریدر . فقط
بر چوق عصرلردن بری کابوس استبدادک عالم اسلام اوزرنده اجرا ایده کلدیگی

تخریبات مدهشه نتیجه سی اوله رق اهل اسلامک هر یرده ، هر خصوصه اقوام سارهدن کیری قالمش اولسی و بو یوزدن بر چوق حکومت اسلامیه تک منقرض اولمش بولمسی و عالم اسلامه مدار تسلی واستادگاه اوله جق بالکتر عثمانلی حکومتی قالمش ایسه ده آنک یینه استبداد سیئه سیله بین الحیات و الممات درک یه دوشمش اولسی و بو حکومتک قدرت و مکننتی اعاده ایتمک امید یه استحصال مشروطیت ایدمش ایسه ده اعلان مشروطیتی متعاقب ظهوره کلن احترامات داخلیه و خارجییه سییه مملکتک هر طرفه تفیق و شقاقک بتون دهشتیه باش کوسترمسی و بو احوال فلاکت اشتمالک نهایت بالقانلر حربیه سییت و یرمدرک ، دولت علیه تک خاطر و خیاله کلیان بر مغلوبیتیه نتیجه لشمسی دین اسلام علیه ده بر طاقم افکار باطله تک انتشارینه میدان و یرمشدر .

دین اسلام مانع ترقی ایمش ، نه بیوک بر افترا ! نه عظیم بر بهتان ! زیرا دین اسلام مانع ترقی دکل بالعکس آمر ترقی و سائق تعالیدر . چوتکه بو دین بر ملتک تمدن و ترقی ایتمسی ایچون اقتضا ایدن اصول و اساساتک جمله سی حاویدرکه بونلردن بعضیلری بر وجه آتیدر :

بو اساساتدن بری شورای امتدر . شورای امتک مشروعیتی قرآن کریمک : (هر ایشده امتکه مشاوره ایت) و (بتون مسلمانلرک ایشی بینلرنده شورادن عارتدر . یعنی مسلمانلر کافه امور و معاملاتنی اصول مشورتیه حل و فصله مأمورددر) مآلنده کی ایکی آیت کریمه سیله ثابت اولمش و بناء علیه حضرت پیغمبر بو امر الهی به امتالاً بتون مصالح مهمه امتی مشورت اصولیه حل و فصله اهتمام پیوردقلری کبی کندیسندن صکره اصحافی ده بو اثر عالی به بالاقضا کافه مصالح مهمه عبادی اصول مذکوره ایله حل و فصله صوک درجه اعتنا ایتمشر ایدی .

دین اسلامک وضع ایتدیکی شورای امت زمانزده کی شورای امت طرزنده دکل ایدی . فقط نتیجه اعتباریه شمذیکندن ده مانع ودها عالی ایدی . دها نافع ایدی . زیرا او زمانک ارکان شوراسی وظائف و طنبه لرینی کمال جدیتیه و بلااجرت ایفایده کلدکلری حاله زمانزک ارکان شوراسی وظائف مودوعه لرینی

مهم بر مقداره بالغ اولان اجرت مقابله ایفا ایتمکده در لر . دها عالی ایدی :
چونکه آنلر احتراصات شخصییه و یا قومیه دن و منافع خبیسه دن بالکلیه بری
ایکن شمدیکیلردن بر چوقلری او کی خصائل مذمومه دن کندیلرغ بر
درلو خلاص ایده مه مکده در لر و بو یوزدن منفعت یرینه مملکته ایراث مضر تدن
خالق قائم مقدمه در لر .

بو ایکی شورا آره سنده بشقه بر جهتدن ده فرق عظیم وارد . زمانزده
شورای امتک محل انعقادی مرکز سلطنتده احضار ایدیلن بر مکان مخصوصه
ومدت اجتماعی سنه تک بر قاج آینه منحصر اولدینی حالده او زمانزده شورای
امتک محل اجتماعی بتون محله مسجدلری ، جمعه و بایرام جامعلری و نمازگاهلری
وسنده بر کره عالم اسلامک هر طرفدن کن و حجاجک اجتماعکاهی بوتان
عرفات طاعی اولوب بوتلرک هر بری بر دار شورا ایدی .

زیرا بو ذکر اولنان محللر یا لکتر عبادته منحصر دکل ایدی . بوتلر
مصلح امتی رؤیته محل ایدی ؛ فقط مرور زمان ایله عالم اسلامک باشنه چوکن
کابوس استبداد بو مهم دار شورالری یا لکتر عبادت و دطایه حصر ایلدی .
بو صورتله بتون امتک دینی باغلا دی . وایسته بوتک نتیجه سی اوله رقی نهایت
عالم اسلام درلو درلو فلاکتلره معروض قالدی . خلاصه ا دین اسلام ، مدنیتک
اسن اساسنی تشکیل ایدن شورای امت اساس متینی واجب الرعایه بر قاعده
مهمه اولوق اوزره قایت واسع بر صورتده وضع ایتمش ایکن مع التأسف
سکره دن ظهور ایدن متبدلرک بو اساس متین ایشلرینه کمدیکندن بو کوزل
قاعده بالکلیه لغو ایدلش و آنک یرینه اداره کیفیه اقامه ایدلشدرکه عالم اسلامک
باشنه کلن فلاکتلرک یکانه سببی ده بودر .

**

اساسات اسلامیه دن بری ده حریتدر . دین اسلامک حریت کله سنندن
مقصودی انسانیتک باعث فلاکتی ، مدنیتک اک مدهش آفتی اولان حیوانی
بر حریت اولیوب انسانیت و مدنیتک سبب تکمل و تعالیسی اولان عنوی بر
حریتدر ، اوده بشقه سنک حقوقه تجاوز ایتمک شرطیله ولو که بر حکمداردن

صادر اولسون مرهائکی بر حقسز معاملہ بی رده و مرهائکی بر حق مدافعه به
بتون ملتک صلاحیتدار اولسیدن عبارتدر که عقل و حکمتک قبول ایتدیکی
حریت ده بودز. ایته دین اسلامک بخش ایتدیکی بو حریت سایه سنده ایدیکه
بین المسلمین حقسز بر معاملہ به پک اندر تصادف اولتور و اوده در حال ازاله
ایدیلور ایدی. و حتی آحاد ناسدن بر فرد بیله حقسز اولدی یعنی ظن ایتدیکی بر مسئله بی
بالذات حضرت پیغمبردن و یا خلیفه سندن استیضاح ایدیور آنک، بو استیضاحی در حال
قبول اولتور و ایضاحات لازمه اعطا ایدیلهرک صاحب استیضاح اولان ذات
اقناع ایدیور ایدی. و اکثریا بو استیضاح و ایضاح مسئله لری حضرت پیغمبر
و یا خلیفه سنک جمع و بیارام و عرفات خطبه لری ابراد ایتدیکی ائنده وقوعه
کلور ایدی.

ینه بو حریت سایه سنده ایدیکه وضعیت اجتماعی اعتباریله ادتا بر مرتبه ده
یونان بر فردک لیدی الايجاب خلیفه زمان ایله حضور حاکمه مدافعه لری بلا
مشکلات اجرا ایدیور ایدی. تنکیم حضرت علیک خلافتی زماننده خلیفه
مشارالیهک بر یہودی علیهنده اقامه ایتدیکی بر زره دعواسی اوزرینه هر
ایکسی ده قاضی شریحک محکمه سنه دعوت اولنهرق حضور قاضیده مدعی علیک
قیاما و یان یانه اولهرق مرافعه لری اجرا ایدلش و نتیجه محاکمه ده حضرت
خلیفه نک علیهنه حکم صادر اولش ایدی. و بو حال هیچ کیسه نک نظر دقتی
جاب ایتمش ایدی چونکه او زمانلر بو کی احوال امور عادیه و طبیعیه دند
ممدود ایدی.

دین اسلامک بخش ایتدیکی حریتک درجه قوتنه و مرتبه علویته باقکر که
حضرت پیغمبر بر حدیث شریفنده بر حکمدار ظاللمه قارشو دوغری سوز
سویلیکی افضل جهاد اولق اوزره خبر ویردیکی کی دیگر بر حدیث شریفنده ده
ینه بویه بر حکمداری اجرای عدالت و ظلمدن مجانبته دعوت ایدوبده آندن
دولابی او حکمدار طرفدن قتل اولن هر هائکی بر فرد غیور ایله عمر
عالی لری سید الشهداء حضرت حمزه بی سیدالشهدا اولق مرتبه علویته سنده مساوی
طوتمشدردر که حق و حقیقتی محافظه و مدافعه اوفرنده حریت کلامیه بوندند
سوها زیاده رواج ویرمک امکان خارجنده در.

اساسات اسلامیه دن بری ده عدالتدر . بلا استثنا بتون اهل اسلام هر خصوصده و صورت مطلقهده اجرای عدالته و هر نوع ظلمدن بجانبه دیناً مأمور و مجبوردر . بو بایده شرفوارد اولان آیات قرآنیه واحادیث نبویه حددن افزوتدر . بناء علیه بز بوراده بالکمز دین اسلامك عدالته عطف ایتدیگی اهمیتك درجه سی و ظلمه قارشو کوستردیگی شدت و نفرتك مرتبه سی ایضاحه کفایت ایده جك بعض دلائلك بر وجه آتی ذکر یله اکتفا ایدیورز .

قرآن کریمك (مشرکله اولان شدت بغضتکمز سزی آنلر حقتده عدالتبزلکه سوق ایتسون . آنلر حقتده دخی اجرای عدالت ایدیگزکه تشکزی حقسز بر معامله دن ، ظلم و جور دن صیانته اک یقین واسطه عدالتدر) و (جناب حق امانی اعلنه تأدییه و تودیع ایتکمز و بین الناس عدل ایله حکم ایلکمز سزه امر ایدیورز . یعنی بونی سزه واجب قلیور) مآئنده کی ایکی آیت کریمه سی و حضرت پیغمبرك (بر ساعت اجرای عدالت ایتك بر سنه عبادت ایتکدن افضالتدر) و (بتون مساوات آنجق عدل ایله قائمدر .) مفادنده کی ایکی حدیث شریفی ظن ایدیورمه که بتون کائنات نظر نده دین اسلامك بو اصل متینه نه درجه اهمیت و بردیگنی ایضاحه بالغاً مابلغ کافیدر .

دین اسلامك ظلمه قارشو کوستردیگی شدت و نفرته کنتجه : قرآن کریمك (ظالملر ایچون اصلا فلاح و نجات یوقدر) و (هیچ کیمسه به قارشو عداوت جائز دکندر فقط ظلمه بو حکمدن مستتادر یعنی آنلره قارشو اعلان خصومت و اظهار عداوت جائز و بلکه ده واجیدر) و (ظالملر بتم عهدده یعنی قائمه اجرای حکومت و احراز خلافته نائل اولغه لایق دکندر . بو مهم وظیفه بی در عهدده ایده جك ذواتك شایه ظلمدن میرا اولسی لازمدر .) مآئنده کی اوچ آیت کریمه سی دخی بو مطلبی صورت واضحده اثبات ایتکده در .

اساسات اسلامیه دن بری ده مساواتدر . دین اسلامك بو کلمه دن مقصدی دخی علی الاطلاق مساوات اولیوب حقوقده و سائر بالجمله معاملاتده مساواتدر که ذاتاً بشریتك رفاه و سعادتی تأمینه اساس اوله بیله جك مساواتده بودر فی الثواقع

انسان بالجمہ حقوق و معاملاتہ نظر قانونہ مساوی اولیٰ لازمدر . زیرا
اولیٰ اولیٰ ایسہ حقوق ناس ضایع اولور . قویلر ضعیفک حقوقہ تجاوز
ایدر . بالنتیجہ تمدن و ترقی قابل اولیٰ . حالیو کہ تمدن اولیٰ نتیجہ حیات بشریہ تک
بقا و دوامہ امکان قلماز .

ایستہ بونک ایچوندر کہ حقوق و معاملاتہ بین البشر مساواتہ رعایت ارکان
اسلامیہ تک بک بیوک بر رکتی تشکیل ایتمشدر .

حضرت پیغمبر بو مساواتہ تمامیہ رعایت ایتمشدر و امتہ دہہ . کندی ذات
رسالتپناہیلری کی رعایت ایتملری قرمان پیور مشلر ایدی .

دین اسلامک امر ایتمدیکی مساوات او درجہ واسع ایدیکی انسان بونک
درجہ وسیعتی دوشوندکجه حیرتده قلاماق قابل اولیور . مظهر وحی الہی اولدیغنی
بتون مسلمانلرله برابر کندیسی دخی قطعاً معتقد اولان بر پیغمبر عالی شان
کندینہ اصلا وجود ویرمیور . هر نه یاپار ایسہ الله نامہ یایور : هر نه امیر
ایدرایسہ الله نامہ امر ایدیور . حبیة لله امتک سلامت و سعادتہ جائیشیور .
خدمتہ مقابل بیت المالدن بز جہیلہ قبول ایتمیور . (سز چالیشیکز بن بیہیم
بو نصل اولور ؟) دیور . بتون افعال و حرکات و معاملاتدہ کندیسی اصحاب
و اتباعیہ مساوی طوتیور . خدمتکارلرینہ ، کولہ لرینہ یدیکندن یدیریور .
کیدیکندن کیدیریور . بوکا مقابل آنلرہ افعال شاقہ دن هیچ بر شی تکلیف
ایتمیور . حتی آبدست آلیرکن آنلردن هیچ برینہ آبدست صوینی بیله
دو کدیریور بر چوق سینہ لر خدمت سیہ لرنده بولتہرق ابراز ایتمدیکی
صفاقت و جدیت فوق العادہ سیلہ بر موقع ممتاز احراز ایدن حضرت انک بر کرہ
اولسون آبدست صوینی دوکک خدمتیہ مشرف اولیٰ آرزو سنی بیله رد ایدیور .
(بو خصوصدہ معاونتہ احتیاج یوقدر . صوینی پراقدہ اورادن چکیل .)
امری ویریور .

شیخ الاسلام اسبق

موسیٰ ظہیر